



ӘЛ-ФАРАБИ атындағы
ҚАЗАҚ ҮЛТТЫҚ УНИВЕРСИТЕТІ

КАЗАХСКИЙ НАЦИОНАЛЬНЫЙ
УНИВЕРСИТЕТ имени АЛЬ-ФАРАБИ

AL-FARABI KAZAKH
NATIONAL UNIVERSITY

ХАБАРШЫ

ЭКОНОМИКА СЕРИЯСЫ

ВЕСТНИК

СЕРИЯ ЭКОНОМИЧЕСКАЯ

BULLETIN

ECONOMY SERIES

1(107) 2015

ҚАЗАҚСТАНДА ЖЕРГІЛІКТІ БАСҚАРУ ЖҮЙЕСІН ҚАЙТА ҰЙЫМДАСТЫРУ БАҒЫТТАРЫН БАҒАЛАУ

Заманауи әлемде мемлекеттің салауаттығы азаматтардың мүмкіндігін тиімді пайдаланумен айқындалады. Сондықтан көптеген дамыған елдер жергілікті өзін-өзі басқару үлгісін жетілдіруге ұмтылады. Биліктің осы деңгейі халыққа барынша жақын, солардан калыптасады, оның бақылауында және халықтың негізгі өмірлік қажеттілігін қамтамасыз ету мәселесін шешеді. Жергілікті өзін-өзі басқару орынды құрылса тек жергілікті ресурстардың шығыны онтайланып қана қоймай, сонымен қатар халықтың билікке деген сенімі елеулі түрде артады.

Дамудың бүгінгі кезеңінде мұндай мәселе Қазақстанның алдында да тұр. Басқару жүйесінің тиімділігі мен бәсекеге қабілеттілігін арттыру экімшілік-аумақтық бірлік халқының тіршілік әрекетін тікелей қамтамасыз ететін функцияларды жергілікті өзін-өзі басқаруды реттеу саласына беру қажеттілігін негіздейді.

Алайда бұл объективті қажетті үдерісті көптеген мәселелердің шешілмегендігі мен заңнамалық реттеудің әлсіздігі тежеді. Қазақстанда жергілікті өзін-өзі басқаруды енгізуіндік және тиісті заң жобаларын әзірлеу әрекетінің негізгі кемшілігі оларды алдын ала тұтас жергілікті өзін-өзі басқару жүйесін қалыптастырмай үзінді ретінде жүзеге асырылғаны болып табылады.

Қазіргі уақытта Қазақстан Республикасындағы жергілікті өзін-өзі басқару мәселесін регламенттейтін актілер Қазақстан Республикасының Конституциясы мен «Қазақстан Республикасында жергілікті мемлекеттік басқару және өзін-өзі басқару туралы» 2001 жылғы 23 қантардағы Заң болып табылады.

2007 жылы Конституцияга жергілікті өзін-өзі басқаруды халық тікелей, сондай-ақ мәслихаттар мен басқа да жергілікті өзін-өзі басқару органдары арқылы жүзеге асыратындығы айқындалған толықтырулар енгізілді. Заңнамада әкім мемлекеттік басқару функцияларымен қатар жергілікті өзін-өзі басқару функциялары да жүзеге асыратыны, ал жергілікті деңгейдегі мәселені талқылау жергілікті бірлестіктердің тікелей ерікті жиналыстармен (жиындарымен) атқаруға болатындығы белгіленген.

Қазіргі күні заңды тұлғаның ұйымдастыру-құқықтық нысандағы ауыл, кент, аудандық маңызы бар қалалардың, сондай-ақ қалалардағы аудандардың аппараттары қалыптастырылды. Бұл ретте олардың, дербес бюджет жоқ, бірақ бюджеттік

бағдарламалардың әкімшісі болып табылады. Аталмыш шығыстарды аудан (облыстық маңызы бар қала) бюджетінің құрамында қарастырылып, тиісті мәслихаттар бекітеді. Осы шығыстар мектепке дейінгі тәрбие мен білім беруді жүзеге асыруға, үйде мұқтаж азаматтарға элеуметтік көмек көрсетуге, елді мекендерді абаттандыру мен көгалданыруға, шаруашылық есепке алу және т.б. бағытталған [1].

Ауыл (село), ауылдық (селолық) округ, кент әкімдеріне бірқатар міндеттер жүктелген, бірақ олар қаржымен қалдықты қағидат бойынша қамтамасыз етіледі. Нәтижесінде бұл әкімдер жергілікті маңыздығы мәселелерді шешуде қабілетсіз болып қалады, осылайша халық тарарапынан объективті наразылығын тудырады.

Осы мәселені шешу үшін бастап «Өнірлерді дамыту» бағдарламасы шенберінде жергілікті маңыздығы өзекті мәселелерді шешуге арналған өнірлерді қаржылық қолдау тетігі іске асырылуда. Осы тетіктің маңызды факторы іс-шараларды іріктеу мен алынған қаражаттарды бөлу кезінде халықтың қатысуы болып табылады.

Қазіргі уақытта тәменгі деңгейлердегі дербес бюджеттерді құру аудандық бюджеттердің көбі субвенциялы болғандықтан тоқтатылады. Тәменгі басқару деңгейдердегі бюджет құрылған жағдайда, ол да субвенциялы болады (мысалы: Ақмола облысының барлық 17 ауданы субвенция алады, Қарағанды облысындағы 9 ауданының 8 ауданы субвенциялы) деп күтүге болады.

Сондықтан бұл деңгейлерге салықтық және салықтық емес түсімдерді бекіту олардың қаржылық өзін-өзі қамтамасыз етуіне мүмкіндік бермейді.

Сонымен қатар, қазіргі уақытта Қазақстан Республикасында жергілікті өзін-өзі басқаруды жүзеге асыруда бірқатар шешілмеген мәселелер бар.

Қолданыстағы заңнамада жиналыстардың (жындардың) жүргізулу тәртібі мен шешімін қабылдауды облыстық, республикалық маңызы бар қалалық және астана мәслихаттары анықтайтынын және бұл ретте әрқайсысы жындарды жүргізуің өз тәртібін қабылдау керектігін қарастырған.

Алайда, заңнамада қарастырылған жиналыстарда (жындарда) жергілікті маңыздығы мәселелерді талқылауға азаматтардың қатысуы бойынша нормалар бүгінгі іс жүзінде орындалмауда. Заңнамада жиналыстардың (жындардың) қалыптастырылу, өткізулу тәртібі мен өкілеттігі регламенттелмеген.

Ауылдық деңгейдегі әкімдер жүктелген функцияларды жүзеге асыру кезінде дербестік-тің жетіспеуіндегі негізгі проблемалық сэттердің бірі меншік қаржы қаражатын және басқа да ықтимал ресурстарды иелену және пайдалану құқығының шектелуі байқалады. Ауылдық әкімдердің өкілеттіктерін қолда бар жергілікті ресурстарды – жер, мулікті қалай тиімді пайдалануға болатындығы, шағын және орта бизнеске нақты ықпал ету мәселелерін шешуде шаруашылық және экономикалық салалардағы шешімдерді қабылдау кезінде кезең кезеңімен кеңейту қажет.

Басқарудың тәменгі деңгейдегі елді мекенді орнықты кешенді әлеуметтік дамытуды қамтамасыз ету үшін, аудандарды (облыстық маңызы бар қалалар) дамытудың қолданыстағы бағдарламаларына осы аумақтағы халықтың қажеттіліктері мен бірінші кезеңгі мұқтаждықтарына негізделген және елді мекеннің тіршілігін қамтамасыз етуге бағытталған бюджеттік бағдарламаларды қалыптастыру үшін негіз болып табылатын кіші бөлім енгізілтін болады.

Ауыл әкімдерінің сайланбалылығын енгізу Қазақстан қоғамында көптен бері талқыланып келе жатқан мәселе. Мемлекеттік басқаруды орталықсyzдандыру, Қазақстанның саяси жүйесі мен мемлекеттік құрылымының тиімділігін арттыру, елдегі басқару реформасын жалғастыру туралы Елбасы бірнеше рет атап өткен болатын. Бірқатар жылдар бойы аталған реформа мақсаты және үдемелі түрде жүзеге асып келеді. 2012 жылдың қараша айында Елбасы Жарлығымен Қазақстан Республикасындағы жергілікті өзін өзі басқаруды дамыту тұжырымдамасы бекітілді, онда мемлекеттік функцияларды жүзеге асыруға жергілікті өзін өзі басқару органдарының қатысуын қамтамасыз ету қажеттілігі көзделді.

Жер-жерде басқару шешімдерін қабылдауға қоғамдық бақылауы мен азаматтардың ықпалын күшейту мақсатында елімізде тиісті мәслихаттар арқылы Қазақстан Республикасының аудандық маңызы бар қалалары, ауылдық округтері, ауылдық округтің құрамына кірмейтін кенттері мен ауылдары әкімдерінің сайлауын үйімдестеріп, өткізуі тапсырылды. Ауыл әкімдерінің сайланбалылығын енгізу жергілікті халық үшін жергілікті билік органдарының жұмысын бақылауға нақты мүмкіндік берудің, мемлекеттік басқару жүйесін сапалы түрде өзгертуіндегі тетігі болып табылады. Бұл біздің еліміздің саяси жүйесін демократияландыру және жетілдіру жолындағы жаңа қадам [2].

2005 жылғы 12 тамызда эксперимент ретінде Алматы, Шығыс Қазақстан, Батыс Қазақстан жә-

не Солтүстік Қазақстан облыстарының 4 ауданында өткізілді. Бұл облыстарда аудан әкімдерін таңдаушылар мәслихат депутаттары сыйлаған болатын. Сайлауға 72901 сыйлаушының мүддесін білдіретін 4 аудандық мәслихат депутаттарының 50 таңдаушысы қатысты.

2006 жылғы 20 қазанды облыстық маңызы бар 10 қала мен 49 аудан әкімдерін сыйлау өткізілді. Бұл жолы да әкімдерді таңдаушылар мәслихаттар депутаттары сыйлады. Әкімдікке үміткерлерді баламалы негізде тиісті облыс әкімдері ұсынды. Сайлауға 788 таңдаушы қатысты. Аталған сайлаулар әкімдер сыйлауы механизмдерін сынап көру мүмкіндігін берді. Сондай-ақ, атап өтілген сайлау науқандары жалпы мемлекеттік мүдделерді накты елді мекендердегі ха-лықтың мүдделерімен тенденстіруді қамтамасыз ету үшін кент, ауыл деңгейіндегі жергілікті әкімдіктер басшыларын сайлауды өткізу тәртібін реттейтін құқықтық негіздердің дамуын көрсетуімен қатар, басқару сапасы мен тиімді қоғамдық бақылау сапасын қамтамасыз етті. Ал бұл мәселе басқа елдерде қалай шешіледі? Қөптеген дамыған мемлекеттерде демократиялық институттар бірнеше ғасырлар бойы дамып, ұзақ та қызын жолдан өткені белгілі. Сондықтан біз Еуропа мен Солтүстік Америка, сонын ішінде АҚШ, Ұлыбритания, Франция, ГФР сияқты «ескі демократиялық» деп аталағын 37 елде жергілікті басқару және өзін өзі басқару органдарының қалыптасуының құқықтық негізі мен тәжірибесін талдадық. Осы талдаудың жалпы қорытындылары туралы төмендегі ақпаратқа көніл бөлдік. Жергілікті билік органдарының басшыларын тағайындау немесе сайлау 9 елде Конституцияның құқықтық ережелерімен, 12 елде жергілікті басқару (өзін өзі басқару) заңдарымен, 7 елде сайлау заңнамасымен реттеледі еken. Федеративтік мемлекеттердің (АҚШ, ГФР, Австрия, Канада, Ресей және басқа) басым көшпілігінде жергілікті өзін өзі басқару мәселелері өнірлік заңнамамен реттеледі.

Жергілікті әкімшілік басшыларын тағайындау 11 елде (Бельгияда, Босния және Герцеговинада, Ұлыбританияда, Ирландияда, нидерландта, Ресейдің біршама субъектілерінде, АҚШ штаттарының көшпілігінде, Швейцария мен Финляндия кантондарының бірқатарында) қолданылады. Төте сайлау 18 елде (Австрияның кейбір жерлерінде, Албанияда, Болгарияда, Венгрияда, Грекияда, Испанияда, Италияда, Канаданың бірқатар провинцияларында, Македонияда, Молдовада, Польшада, Румынияда, АҚШ-тың кейбір штаттарында, Украинада, ГФР-дың кейбір жерлерінде, Швейцарияның бірқатар кантондарын-

да) қолданылады. Жергілікті кеңестердің басшылары мен мэрлерді жергілікті кеңестер және муниципалитеттердің жанама сайлауы 19 елде (Австрияның кейбір жерлерінде, Данияда, Канаданың кейбір провинцияларында, Испанияда, Латвияда, Литвада, Мальтада, Норвегияда, Португалияда, Сербияда, АҚШ-тың бірқатар штаттарында, ГФР-дың бірқатар жерлерінде, Францияда, Хорватияда, Чехияда, Эстонияда) қолданылады. Жоғарыда айтылғандарға сүйенсек, демократиялы дамыған мемлекеттерде жергілікті атқарушы органдар басшыларының қызметке орналасу әдісін анықтау тәсілі оның практикалық маңыздылығымен сипатталатынына көз жеткізуге болады. Бұл тәсіл бос лауазымдарға кәсіби менеджерлердің орналасу құралы.

2013 жылғы тамыздың 5-інен 9-на дейін тәуелсіз Қазақстан тарихында алғаш рет жергілікті билік органдары басшыларының сайлауы өтті. Барлығы 7 миллион 632 мың қазақстандық тұратын аудандық маңыздығы қалалардың, селолық округтердің, поселкелер мен селолардың 2454 әкімі сайланыды. Жергілікті әкімдерді сайлауға барлығы 7173 адам ұсынылып, сонын ішінен 6738-і әкім қызметіне үміткер болып тіркелген. Орташа алғанда бір орынға 2-3 үміткер таласқан. Ал 37 әкімшілік-аумақтық бірлікте әкім болуға үміткерлер қарсыластарын бар-жоғы 1 дауыс басымдықпен женіске жеткен. Бұл сайлаудың ашық, бәсекелестік жағдайда өткенінің бір дәлелі – 3 ауылдық округте сайлаушылардың дауыстары екі үміткерге де тең болған, женімпаздарды анықтау мүмкін болмаған. Ол жерлерде қайтадан сайлау өтті.

Сонымен, жаңадан сайланған әкімдердің корпусында еліміздегі 23 ұлттың өкілі бар. Ал, оларды мамандық түрлері бойынша бөлестін болсақ, 627-сі (25,6 пайызы) – педагогтар, 501-і (20,4 пайызы) – ауылшаруашылығы мамандары, 417-сі (17 пайызы) – инженерлер, 367-сі (14,5 пайызы) – экономистер, 281-і (11,5 пайызы) – зангерлер және 271-і (11 пайызы) – басқа мамандықтардың өкілдері. 2454 әкімнің 280-і, яғни, 11,4 пайызы – әйелдер. Бұл бұрынғы көрсеткіштен 32-ге көп. Статистикалық мәліметтерден Павлодар, Оңтүстік Қазақстан және Ақтөбе облыстарында әйел-әкімдердің саны 6 пайызы – дерлік ұлғайғанын көрдік. Әйелдер қауымы мемлекеттік, қоғамдық басқару ісіне белсенді тартыла бастады.

Әкімдердің орташа жасы – 47. Олардың ішінде көшпілігі 55 жасқа дейінгі адамдар, олар әкімдер корпусының 80,3 пайызын құрайды. Жалпы алғанда, әкімдер құрамы біршама жа-

сарды. Бұған дейін 55 жасқа дейінгі әкімдер 74,5 пайызды құраған болатын. Ал, жаңадан сайланған әкімдердің ішіндегі ең жасы 25 жаста. Бұл аймақтық саясатта мемлекеттің жастарға үлкен үміт артып, сенім білдіргенінің бір көрінісі.

Ауыл әкімдерінің сайлауы еліміздегі әкімдер корпусының 91 пайыздан астамын қамтыды. Яғни, аймақтарды дамытуға толығымен бетбұрыс жасалды. Өңірлерді дамыту министрлігінің құрылуы, аймақтарды дамыту бағдарламаларына (моноқалаларды дамыту, шағын қалалар) бюджеттен қомақты қаржы бөлу – бұлардың бәрі Қазақстанның аймақтық саясатын қүштейтуінің белгілері. Елімізде жергілікті жерлердегі өзін-өзі басқару реформасы жүргізілді. Ауылдық деңгейге қосымша 5 мың штаттық бірлік бөлініп, оларға 67 мемлекеттік функция бекітілді. Қазіргі кезде ауыл әкімдері салық жинауга, бюджетті қалыптастыруға, тұрғындардың катысуымен жергілікті мәселелерді шешу үшін қаржыландыру құқығына ие болды. Бұл барлық әкімдерге өз отандастары мен мемлекет алдында аса зор жауапкершілік жүктейді. Мемлекет осы сайлау арқылы ар-ұжданы таза, ашық, патриот, халықшыл «жаңа типтегі» басшылардың билікке келгенін қалап отыр деген сөз. Оларға біріншіден, елінің мұддесіне қызмет етуге мүмкіндік берілсе, екіншіден, мансабын өсіріп, «А» корпузына өтуіне жол ашылады. Сондай-ақ, бұл сайлау сыйбайлас жемқорлыққа қарсы іс-қимылдарамыздың бірі. Жергілікті жерлерде жүргізілген реформа төмендегі басқарушылардың қатарын жемқорлықтан тазалауға көмектесетіні сезсіз.

Аталған менеджерлердің негізгі функциясы жекелеген әкімшілік-аумақтық бірлікте немесе елді мекенде халықтың тарарапынан қоғамдық бақылау арқылы сапалы басқару болып табылады. Тап осы идеяның негізінде жергілікті өзін өзі басқаруды дамыту тұжырымдамасының, сайлау туралы заңың әжеп халықаралық стандарттардың негізгі қағидаттарымен бірге жергілікті әкімдіктер басшыларының сайлауын өткізу тәртібінің жобасы зертленді. Ағымдағы жылдың 24 сәуірінде Елбасы әкімдерді қызметкесе сайлау, өкілеттігін тоқтату және қызметінен босату қағидаларын бекіткен «Қазақстан Республикасының аудандық маңызы бар қалалары, ауылдық округтері, ауылдық округтің құрамына кірмейтін кенттері мен ауылдары әкімдерінің сайлауын өткізуіндегі кейбір мәселелері туралы» Жарлыққа қол қойды. Қағидаларға сәйкес сайлау науқаны тұтастай сайлауды тағайындаудан бастап оның корытындыларын анықтағанға дейін әрбір өнірде бір ай уақыт мерзім ішінде өтеді. Барлығы

2457 әкім сайланатын болады, бұл елдегі барлық әкімдердің жалпы санының 91,5%-ын құрайды. Әкімдер 4 жылға жанама сайлау құқығы негізінде жасырын дауыс беру арқылы сайланады. Осылайша, оларды төте сайлауда халық сайлаған, өз сайлаушыларының көзқарасын назарға алып, мұддесін сақтауға міндетті болып табылатын тиісті аудан (қала) мәслихаттары депутаттарының таңдаушылары сайлайды.

Бұған дейін Қазақстан Республикасының аудандық маңызы бар қалаларының, ауылдық округтің құрамына кірмейтін кенттері мен ауылдарының әкімдерін облыс әкімінің келісімімен аудан әкімдері қызметкесе тағайындастынын. Енді кандидаттарды балама негізде ұсыну құқығы аудан әкімдеріне берілді, сондықтан кандидаттар саны екеуден кем болмауы керек. Бұл ретте аудан әкімі әкімдікке кандидаттарды жергілікті қоғамдастықпен консультациялар өткізгенден кейін ұсынады. Біздің ойымызша, аталған жағдайда ең тиімді әдіс аудан әкімінің тікелей ауылдарда, кенттерде және қалаларда халықпен жеке кездесулер өткізуі болып табылады. Дәл осындағы кездесулер халықтың әкімді сайлауға қатыстылығын көрсетеді. Қолданыстағы мемлекеттік басқару жүйесінде жалпы аудан бойынша, атап айтқанда, әрбір әкімшілік құрылымдағы ахуалға жеке жауапты болғандықтан, аудан әкіміне кандидаттар ұсыну құқығының берілуі дұрыс деп есептейміз.

Әкім лауазымына кандидаттарға нақты талаптардың қойылуы осы сайлаудың маңызы кезеңі және негізгі ерекшеліктерінің бірі болып табылады. Қағидаларға сәйкес 25 жасқа толған, «Мемлекеттік қызмет туралы» Қазақстан Республикасы Заңында қойылған талаптарға сәйкес келетін, белсенді сайлау құқығына ие, жоғары білімі бар және тиісті облыстың аумағында тұратын Қазақстан Республикасының азаматтары әкімдікке кандидат бола алады.

Мұндай жоғары талаптар ауыл әкімдігіне кандидаттарға бірінші рет қойылып отыр. Олар халықпен тікелей жұмыс істейтін сайланған әкімдердің сапалық және кәсіби деңгейін қамтамасыз ететіндігіне күмәніміз жоқ. Ал бұл өз кезеңінде жергілікті мемлекеттік басқарудың сапасын жақсартады. Кандидаттың облыс аумағында тұруы туралы талап маңызды, өйткені, өзі жұмыс істеге нистептеген өнірдегі жағдайды нақты білетін әкімнің сайлануын қамтамасыз етеді. Сондай-ақ бұрын әкімдердің міндетті тұрде жоғары білімді болуы туралы талап жоқ болатын. Мәселе, осы уақытқа дейін 100-ден астам ауыл әкімдерінің орта және орташа арнайы білімдері ғана

болғандығы мәлім болды. Сайланбалы лауазымға кандидат пен оның жүбайының тіркеуге дейін өз табысы мен мұлқі туралы декларация тапсыруы қазақстандық заңнамада қалыптасқан жағдай. Бұл мәліметтердің анықтығын салық органдары жеті күн ішінде тексеруі тиіс. Аудан (қала) әкімі мен әкімдікке кандидаттардан тіркеу үшін қажетті барлық құжаттар алынғаннан кейін, сайлау комиссияларының негізгі жұмысы кандидаттардың Конституциясының, Мемлекеттік қызмет туралы заңның және де Қазақстан Республикасының аудандық маңызы бар қалалары, ауылдық округтері, ауылдық округтің құрамына кірмейтін кенттері мен ауылдары әкімдерін сайлау, өкілеттігін тоқтату және қызметтен босату қағидаларының талаптарына сәйкестігін шүгүл түрде тексеруі болып табылады.

Жергілікті өзін-өзі басқару тиімділігі көбіне тек қажетті өзін-өзі басқарудың құқықтық, ұйымдастырушылық және экономикалық дербестігін қамтамасыз ететін заңдардың кешеніне ғана емес, сондай-ақ тұрғындардың жергілікті өзін-өзі басқаруды жүзеге асырудагы өз құқықтары мен мүмкіндіктерін түсінуге, жергілікті өзін-өзі басқаруға арналған құқықты жүзеге асырудың шынайы мүмкіндігіне де тәуелділігін атап өту қажет [3].

Көбінесе ауылдағы тұрғындардың жергілікті өзін-өзі басқаруды жүзеге асырудагы өз құқықтары мен мүмкіндіктерін түсінуге қатысты құқықтық сауаттылық деңгейінің жеткіліксіздігін ескере отырып, халық арасында қоғам мен мемлекеттегі өзін-өзі басқарудың рөлі мен орны мәселесін түсіндіруге қатысты ақпараттық-түсіндіру ісін жандандыру қажет.

Жергілікті өзін-өзі басқару ықшамды тұрғындары бар жерде төменгі деңгейдегі әкімшілік-аумақтық бірлікте тиімді атқарылатынын әлемдік тәжірибе растайды. Қазақстанда ол ауыл, село, ауылдық (селолық) округ, кент, аудандық маңызы бар қала, қаладағы аудан.

Жергілікті өзін-өзі басқару органдарына өкілеттікі аздан бастан кезең-кезеңімен беру қажет. Әйтпесе өзін-өзі басқару органдары алдарына қойылған тапсырмаларын орындаі алмайды да жалпы мақсатқа да қатер төнбек. Мемлекеттік мекеме тарапынан болсын, халық тарапынан болсын жергілікті өзін-өзі басқару органдарына деген сенім олардың жұмыс үрдісінде ғана пайдалады.

Заманауи әлемде мемлекеттің салуаттығы азаматтардың мүмкіндігін тиімді пайдаланумен айқындалады. Сондықтан көптеген дамыған елдер жергілікті өзін-өзі басқару үлгісін жетілді-

руге ұмтылады. Биліктің осы деңгейі халыққа барынша жақын, солардан калыптасады, оның бақылауында және халықтың негізгі өмірлік қажеттілігін қамтамасыз ету мәселесін шешеді. Жергілікті өзін-өзі басқару орынды құрылса тек жергілікті ресурстардың шығыны оңтайланып қана қоймай, сонымен қатар халықтың билікке деген сенімі елеулі түрде артады.

Дамудың бүтінгі кезеңінде мұндай мәселе Қазақстанның алдында да тұр. Басқару жүйесінің тиімділігі мен бәсекеге қабілеттілігін арттыру әкімшілік-аумақтық бірлік халқының тіршілік әрекетін тікелей қамтамасыз ететін функцияларды жергілікті өзін-өзі басқаруды реттеу саласына беру қажеттілігін негіздейді.

Алайда бұл объективті қажетті үдерісті көптеген мәселелердің шешілмегендігі мен заңнамалық реттеудің әлсіздігі тежейді. Қазақстанда жергілікті өзін-өзі басқаруды енгізуінде және тиісті заң жобаларын әзірлеу әрекеттің негізгі кемпілігі оларды алдын ала тұтас жергілікті өзін өзі басқару жүйесін қалыптастырмай үзінді реттінде жүзеге асырылғаны болып табылады.

Басқарудың төменгі деңгейдегі елді мекенде орнықты кешенді әлеуметтік дамытуды қамтамасыз ету үшін, аудандарды (облыстық маңызы бар қалалар) дамытудың қолданыстағы бағдарламаларына осы аумактағы халықтың қажеттіліктері мен бірінші кезеңгі мұқтаждықтарына негізделген және елді мекенниң тіршілігін қамтамасыз етуге бағытталған бюджеттік бағдарламаларды қалыптастыру үшін негіз болып табылатын кіші бөлім енгізілетін болады.

Жергілікті өзін-өзі басқару тиімділігі көбіне тек қажетті өзін-өзі басқарудың құқықтық, ұйымдастырушылық және экономикалық дербестігін қамтамасыз ететін заңдардың кешеніне ғана емес, сондай-ақ тұрғындардың жергілікті өзін-өзі басқаруды жүзеге асырудагы өз құқықтары мен мүмкіндіктерін түсінуге, жергілікті өзін өзі басқаруға арналған құқықты жүзеге асырудың шынайы мүмкіндігіне де тәуелділігін атап өту қажет.

Экономика мен басқарудың тиімді қызмет етуін арттыру арасындағы өзара әрекеттестік пен өзара байланыс тек себеп-салдарлық сипатта ғана емес, сонымен бірге функциональдық мазмұнға да ие болып табылады. Басқарудың негізгі функциясы ең төмен қоғамдық-қажетті шығындармен экономиканы реформалау мақсаттары мен міндеттерін жүзеге асырудан тұрады. Сондықтан да мемлекеттік құрылышты жобалауда жергілікті басқаруды билік институты немесе азаматтық қоғам институты ретінде ғана

қарастыруға болмайды. Ол үйлесімді түрде өзіне мемлекеттік және қоғамдық жасаушыларды байланстырады, ал қоғам мен мемлекеттің мұдделерін үйлестіру механизмі ретінде мемлекеттің экономикалық тиімділігін және бәсекеге қабілеттілігін арттыру факторы болып табылады.

Жергілікті өзін өзі басқарудың мәнін ашуши басты түсініктердің бірі – дербестігі. Жергілікті өзін өзі басқару органдары Қонституцияға сәйкес жеке құзыреттіліктерге ие болып табылады және ол үшін жауапкершілікті алады. Жергілікті өзін өзі басқарудың дербестігі Конституциямен анықталады, себебі жергілікті өзін өзі басқару органдары мемлекеттік басқару органдары жүйесіне кіргізілмеген. Бірақ бұл жергілікті өзін өзі басқарудың мемлекеттік-білік қатынастары жүйесінен тыста екенін және абсолютті түрде мемлекеттен тәуелсіз екенін білдірмейді. Билік бірлігін және мемлекеттілікті сақтаудың көзқарасынан мұндай тұжырым үтіртін және заңдылыққа сай емес. Конституцияда өкілеттілік шегіндегі дербестік туралы сөз болады. Өкілеттілік мемлекеттік билік органдары қабылдайтын заңмен ұсынылады. Сондықтан да билік тұтастығын сақтау үшін жергілікті өзін өзі басқаруды дербестіктен айырудың ешбір қажеттілігі жоқ. Бұдан басқа мемлекетте берілген мемлекеттік өкілеттіліктерді жүзеге асыруды мемлекеттік бақылау сияқты институттар бар, олар органдар

қызметінің заңдылығын және жергілікті өзін өзі басқарудың қызметтік тұлғаларын прокурорлық қадағалау және де ол соттық биліктегі [4].

Егер мақсаттар мен міндеттер нақты сандық және сапалық анықтылыққа ие болса және жалпы ұлттық экономиканы дамытуға бағдарланған болса, онда басқарудың тиімділігі жүйенің әлеуетіне және оны қолдануға байланысты болады. Қазақстанда белгілі бір экономикалық және қаржылық дербестікке ие, экономикалық қайта құруларды жүргізуде мемлекетке көмек көрсетуге және өздеріне жүктелген әлеуметтік функцияларды орындауға қабілетті жергілікті өзін өзі басқару органдарының тиімді жүйесі құрылды.

Жергілікті өзін өзі басқару органдары жергілікті маңызы бар әртүрлі мәселелерді, оның ішінде халық мұдделерін қорғау мәселелерін шешүге қабілетті болады.

Казіргі уақытта мемлекеттік өкілеттік жүзеге асыруда жергілікті өзін-өзі басқару органдарының қатысуы қажет. Бұл көптеген мәселелерді жергілікті жерлерде шешудің барынша орындылығымен түсіндіріледі. Өз кезегінде жергілікті өзін өзі басқару органдары мен мемлекеттік билік органдары арасындағы осындағы өзара қатынастар басқаруды орталықсыздандыруға әкеледі және бұл органдардың өнірлік міндеттерді шешүге бірлесе қатысуын қамтамасыз етеді.

Әдебиеттер

- 1 Нәтижелерге бағдарланған мемлекеттік жоспарлау жүйесін енгізу жөнінде тұжырымдама – Қазақстан Республикасы Үкіметінің 2007 жылғы 26 желтоқсандағы №1297 қаулысымен //www.minplan.kz
- 2 Нурмагамбетов А. А., Ахметов С.К. Развитие местного государственного управления и самоуправления в процессе обеспечения конкурентоспособности современного Казахстана // Государственная политика в сфере обеспечения конкурентоспособности Республики Казахстан: пути достижения и перспективы: материалы международной научно-практической конференции, в рамках седьмых Мустафинских политологических чтений. – Алматы: КазНУ им. аль-Фараби, 2006. – С.15.
- 3 становление местного самоуправления как основы устойчивого развития регионов / Абдиров Н.М., Ахметова Л.С., Когамов М.Ч., Соловьев А. С. и др. / Астана, 2011. С. 35 – 43.
- 4 Татаркин А., Бочко В. Пути совершенствования местного самоуправления //Федерализм. 2008. № 1.

References

- 1 Нәтижелерге бағдарланған мемлекеттік жоспарлау жүйесін енгізу жөнінде тұжырымдама – Қазақстан Республикасы Үкіметінің 2007 жылғы 26 желтоқсандағы №1297 қаулысымен //www.minplan.kz
- 2 Nurmagambetov A. A., Ahmetov S.K. Razvitiye mestnogo gosudarstvennogo upravlenija i samoupravlenija v processe obespechenija konkurentosposobnosti sovremenennogo Kazahstana // Gosudarstvennaja politika v sfere obespechenija konkurentosposobnosti Respublikii Kazahstan: puti dostizhenija i perspektivy: materialy mezhdunarodnoj nauchno-prakticheskoy konferencii, v ramkah sed'mykh Mustafinskikh politologicheskikh chtenij. – Almaty: KazNU im. al'-Farabi, 2006. – S.15.
- 3 Stanovlenie mestnogo samoupravlenija kak osnovy ustojchivogo razvitiija regionov / Abdиров N.M., Ahmetova L.S., Kogamov M.Ch., Solov'eva A. S. i dr. / Astana, 2011. S. 35 – 43.
- 4 Tatarkin A., Bochko V. Puti sovershenstvovaniya mestnogo samoupravlenija //Federalizm. 2008. №1.